


WANTOK



Namba 133

Sarere, 21 Februeri, 1976

Prais 10t



stori bilong
ol kau gel
(pes 15)

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

MARITMAN RITIM DISPELA

Dia Edita- Mi man bilong Madang na mi save wok hia tasol. Wanpela taim mi lukim planti ol meri i wokabaut i go na wan wan i karim bikpela bilum tru. Mi ting ol i go long wanpela sing-sing, o kam long gaden. Tasol nogat. Ol i go long Modilon rot inap long ol i kam klostu long paia stesin. Hia sampela ol haus i stap i gat bikpela mak SP.

Ol meri i karim ol emti botol na ol i amamas long kisim liklik mani. I tru SP i save baim ol emti botol. Na ol meri i wok hat tru long karim ol emti botol. Mi tingting planti.

Ating ol man bilong ol dispela meri i lusim planti mani long baim bia tasol. Ol i no save givim mani long meri bilong ol bai ol i ken baim kaikai na ol samting em famili bilong ol i nitim. Ol meri i mas bungim ol botol, tasol, wokabaut longwe

tru na kisim liklik mani tasol olgeta taim.

Yu ting em i stret? Man, mi sori tumas long ol meri, man bilong ol i save spak tasol. Ol i gat bikpela hatwok tru long lukautim famili bilong ol. Em tasol liklik wari bilong mi.

E. Nagam
Madang.

MAN NOGUT BAGARAPIM SAIN

Dia Edita- Mi laik autim liklik wari bilong mi. Mi stap long Madang na mi laikim tru dispela taun. I no gat planti trabel hia, tasol, i gat sampela ol man nogut ol i save bagarapim ol mak o sain bilong rot. Mi kaunim planti long ol dispela sain i krungut pinis.

Sapos yu draiva yu mas bihainim ol sain bilong rot. Dispela ol sain i save helpim yumi. Olsem wanem na planti ol sain i bruk o krungut? Dispela samting i no save kamap nating. Nogat tru! Mi no save

husat i bagarapim ol.

Tasol mi ting yumi no ken pasim ai long ol man i mekim dispela ol kain pasin. Mobeta bai ol sain bilong rot i stap gut na ol draiva i ken bihainim oltaim, na bai i no gat planti ol eksiden i kamap bihain.

Augustine Manga
Nu Taun/Madang.



SOTIM MUSIK AUA TASOL

Dia Edita- Planti ol taim mi bin harim long redio na ritim long niuspepa long ol aua bilong brotkas i mas kam bek olsem bipo gen.

Oltaim ol i tok redio em i namba wan samting. Tasol nau ol i sotim ol aua bilong brotkas na olsem planti manmeri i

no inap long harim gut ol nius, toksave, na ol arapela samting olsem.

Em i tru redio em i namba wan samting. Tasol i no tru bai ol i no inap long harim ol nius brotkas. Sapos yu save harim redio long planti de bai yu yet i ken save olsem ol i no sotim ol taim bilong nius brotkas. Nogat. Ol i sotim ol aua bilong ol kain kain musik.


John Bene
Madang.

TENKIM OL DRAIVA

Dia Edita- Mi laik tok tenkyu long ol sampela draiva bilong ka. Planti taim mi save wokabaut taim san i go daun na planti ol ka i kam i go. Sampela ol draiva, taim ol i lukim man i wokabaut i kam ol i save putim lait i go daun bai ai bilong ol man i no raun na em i ken lukim gut long em i go long wanem hap tru.

Mi laik tok tenkyu long ol dispela draiva. Ating mobeta ol draiva i bihainim dispela pasin. Tenkyu ol wantok.

Joe Jangia
Madang.



AFFILIATED WITH LIFELINE INTERNATIONAL

LIFELINE PORT MORESBY

HELP IS AS CLOSE AS A TELEPHONE

Lifeline Port Moresby offers a confidential telephone counselling service -

Family or personal problems:	Anxiety	Pregnancy	Marital
	Stress	Personal relationships	Suicidal
	Alcohol	Social isolation	Legal

SHARE YOUR PROBLEM WITH A TRAINED TELEPHONE COUNSELLOR

Phone: 25.7711 - Daily between 4 p.m. and midnight
Also 10:30 to 1:30 p.m., Monday - Friday

TU MINIT TINGTING

YUMI MAN BILONG PRET

"Ol i lukim em i wokabaut antap long raunwara, na ol i guria. Ol i tok, 'Em wanpela tambaran.' Ol i pret na ol i singaut nogut. Orait, kwiktam Jisas i tokim ol, i spik: 'Bel bilong yupela i ken strong. Mi tasol mi kam. Yupela i no ken pret.'" (Matyu 14:26.)

Yumi lukim ol aposel i pret long tambaran na yumi no ken lap. Yumi tu i pret moa long tambaran, na tu long masalai, na long ol man i mekim singsing long yumi. Yumi pret long mafila na papait na man i spetim yumi na meri makim yumi long pinga. Yumi tambu long planti kain pasin na kaikai na ples bikos yumi pret. Pret long wanem? Long ol samting yumi no ken lukim tru.... Lotu bilong ol tumbuna, em i lotu bilong pret.

Tasol lotu Kristen i laik senisim ol dispela kain tingting pret. Lotu Kristen na bilip long God i tok olsem: Maski long ol dispela kain samting yu pret long en. Em ol liklik samting tasol. God inap winim ol tru. Sapos yumi sanap poroman wantaim God, yumi bai kisim strong bilong em na ol dispela tambaran samting i no inap nogutim yumi. No ken.

Mi ting long stori bilong wanpela liklik manki long ples. Wanpela bikpela boi i ranim em, i laik paitim em. Olsem na em i ranawe i go. Em i pret.

Tasol nau em i tanim kona na i bungim bikbrata bilong em. Nau em i sanap i stap na i no ranawe moa. Em i tanim long bei nogut na i tok: Orait, nau yu kam paitim mi. Kaman. Tasol boi nogut i lukim bikbrata, na em i brukim bus i go. Nau bun bilong em i wara.

Yumi manmeri i pret long ol tambaran samting, yumi wankain. Yumi pilim ol i moa bik na moa strong, olsem na yumi pret. Tasol bikbrata bilong yumi, God, em i strong.

Olsem yumi mas smat: yumi mas poroman wantaim bikbrata bilong yumi, God. Olsem Jisas i tok long stori long Nupela Testamen: "Mi tasol mi kam. Yupela i no ken pret."

Em tasol.

PNG RON GUT NAU

Dia Edita- Hia nau mi laik bekim ol tok i save kamap long NBC nius na Pos Kororia. Ol pipel i save tok olsem: Memba na ol minista bilong nesenel palamen ol i no save wok gut. Nogat gupela ekonomik developmen long ol rural eria. Ol i stap rabis.

Mi ting dispela em i no tru. PNG i wok long develop nau. Nau i gat gupela senis tru long ol pipel bilong dispela kantri bilong yumi.

Yumi mas save olsem ol dispela memba na ol minista ol i stat long 1972 i kam inap nau, ol i bin mekim bikpela wok tru long kantri bilong yumi. Yumi kisim selp gavman na independens

pinis. Ol pipel bilong dispela kantri nau ol i sanap long lek bilong ol yet. Mi tok tru o no?

Yumi yet i gat praim minista na gavana jeneral bilong kantri bilong yumi. Mobeta yumi olgeta pipel i mas amamas na wok bung wantaim na i no ken toktok nating long maus. Nogat. Yumi mas wok hat oltaim. Toktok tasol bai wok i no inap long go het. Maski yumi olgeta i mas wok hat long kirapim kantri bilong yumi PNG.

Markus H.
Port Moresby.

GAVMAN MAS TINGIM PLES

Dia Edita- Hia nau mi i laik autim sampela ol wari bilong mi olsem.

Yes ol wantok mi save lukim ol man bilong ol taun i save winim bikpela mani long fotnait. Na ol man long ples i

save kisim liklik wan siling long kopra, kakau, na kopi, em i no stret long tingting bilong mi na mi rait nau.

Mi laikim bai gavman bilong Papua Niugini i mas strong long helpim ol man bilong ples i go het long bisnis bilong ol na bai ol i ken pulim planti mani bilong arapela kantri na helpim gavman bilong yumi.

Em i no ken tingting tumas long ol pipel i mekim wok mani insait long ol taun tasol. Nogat na i no ken tru.

Na wanpela samting tu ol pipel bilong taun ol i save hambak tasol oltaim na westim mani bilong ol long baim bia, ram, wiski, na tu planti ol arapela strongpela kain dring olsem.

Em i no stret. Sapos ol man bilong ples i no go het, bai yupela lus.

Doye L.
Saidor/Madang.



EM HIA WANPELA NUPELA TESTAMEN LONG TOK INGLIS, EM OLGETA MAN I WINIM STANDET 6 INAP LONG RITIM.. Em i kostim 75t. tasol..



WEWAK CHRISTIAN BOOKSHOP
Box 169, Wewak

MT. HAGEN CHRISTIAN BOOKSHOP
Box 78, Mt. Hagen



*Nem bilong dispela kumul, em "Emperor."
Long olgeta kantri wantaim, i gat 42
kumul tasol i stap. Na 36 bilong ol i
stap long Papua Niugini stret.*

Bipo i gat 42 kain kumul. Nau i gat 43 kain.

Dispela namba 43 kumul em i smatpela nupela smok balus bilong Air Niugini, em ol i kolim "Bird Of Paradise." Em i min kumul. Na dispela nem i stret tu, long wanem kumul em i nais moa na i save winim olgeta arapela pisin long bus. Man i flai wantaim dispela nupela kumul bilong Air Niugini, em bai flai olsem pisin tru.

Olgeta wik dispela smok balus "Bird Of Paradise" i save flai inap 5-pela taim namel long Brisbane na Port Moresby. Na wanpela taim long wik em i flai i go long Manila long Filipin Ailan na i kam bek gen.

Sapos yu mekim wok bisnis o yu laik go limlimbur, yu mas flai wantaim Air Niugini inap long Australia o Filipin Ailan. Na insait long kantri bilong yumi em i go long 24 ples balus.

AIR NIUGINI



Qantas - General Sales Agents in
Australia and the Philippines



0810152

TEWEL KAMAP KAPUL



Long wanpela ples wanpela man wantaim meri pikinini i stap. Nem bilong dispela ples Sauloku. Wanpela de man bilong em i dai na meri na tupela pikinini tasol i stap.

Long dispela ples yet ol man i no lukautim meri wantaim pikinini. Ol i save krosim ol ol-taim oltaim.

Wanpela de, long moning taim yet, meri wantaim pikinini i go long bus. Taim ol i kamap long bus em wantaim tupela pikinini. i kisim banana long ai bilong haus, na putim i stap. Na 3-pela i go wok long gaden i stap inap apinun.

Long samting olsem 7 klok nait meri wantaim ol pikinini mekim paia, kukim dispela banana ol tripela kisim long moningtaim. Mama i kukim banana yet na tupela pikinini pilai long kol bet long hap we i stap nating. No gat paia long en.

Nau banana i redi pinis long kaikai. Mama i tekewe skin bilong banana, em i kaikai na i givim long hap bet. Tasol tupela pikinini i no kisim dispela banana mama i givim tupela. Nogat tru. Ol banana mama i givim tupela, wanpela tewel i kisim na kaikai.

Nau las 3 banana tasol i stap long paia, na

stori bilong tumbuna



2-pela pikinini askim mama, Olsem wanem yu kaikai banana na mitupela i stap nating?

Nau mama i bekim tok, Mi givim long yutupela pinis. Tupela pikinini i bekim tok, Yu givim long wanpela man na long mitupela nogat.

Nau mama i tekewe namba 3 banana na singaut strong, "E tupela banana i go pinis". Tewel i harim olsem na em i subim han bilong em na i laik kisim banana. Tasol mama kwiktaim holim han bilong tewel.

Nau em i askim tupela pikinini. Husat, han bilong em mi holim? Bilong yutupela?


Nogat ya, mama. Mitupela i stap hia.

Orait, mama brukim han bilong tewel na tewel hia i tanim olsem waitpela kapul.




Mama i tokim tupela mipela kukim. pikinini, laitim paia, Em nau ol i pasim na lukim wanem samting mi hangamapim i stap. Tuholim. Tupela pikinini lait long moning ol laitim paia, lukim olsem kukim dispela kapul na na tokim mama, larim i ol i kaikai gut tru. stap bai tumora moning James Meinik/Taingim.

YU INAP PAINIM HAMAS SKWEA HIA DAUNBILO

Lukim pes 15.



I STRONG, ISI LONG YUSIM NA I KOS LIKLIK



Hardiflex em i olgeta dispela samting, na i luk gut tu. Long wanem Hardiflex faibro i bikpela tru na i karamapim planti spes kwiktaim. Ol smatpela kamda i yusim Hardiflex. Yu tu yu mas smat na yusim.


Tilux em i gutpela samting bilong rum waswas. I strong na isi long joinim. Yu no gat wari long klinim. Na i gat planti kala na stail bilong en. Olgeta ol i luk gut tru, na i nais tru long bilasim haus.

Versilux em i samting tru bilong ol banis insait long haus. Em i strong na isi long yusim. I no ken paia o sting o krun-gut; i bilong stap longtaim tru. Sapos wara i wasim, maski bai em i drai gen kwiktaim na i nupela gen. Olsem tasol Versilux i faibro tru bilong olgeta hap bilong haus: rum malolo, rum waswas, haus kuk, na toilet tu.

Ol dispela kain faibro yu ken baim long: BURNS PHILP na BOWMANS

JH Hardie's
BUILDING PRODUCTS

Taureka
senisim NBC



Dokta Reuben Taureka

Long 22 de bilong mun Januери, Minista bilong Infomesen na Brotkasting, Dokta Reuben Taureka, i bin tok olsem em i pilim i no stret tumas long gavman i katim sampela aua bilong brotkas long ol redio stesin.

Em i bin tok tu olsem brotkas em i wanpela impoten samting long ol pipel bilong Papua Niugini.


Planti ol manmeri i no amamas tumas long dispela pasin gavman i mekim long katim aua bilong brotkas. Na tu ol i no laikim ol okestra musik. Ol pipel i laikim musik bilong PNG stret.

Long pinisim dispela wari bilong ol pipel, Dokta Taureka i tok, long strong bilong em, bai em i traim long putim bek ol aua bilong brotkas olsem bipo.

Em i bin tok tu olsem bai em i senisim sampela nius bilong NBC yet na Redio Australia na putim laik bilong ol pipel bilong PNG.

Sapos gavman i tok orait, Dipatmen bilong Dokta Taureka bai i kirapim tupela nupela redio stesin. Wanpela long Wes Sepik na arapela long Enga namel long yia 1976 na 1977.


SCHOOL TEACHERS - B of M - P and C



**GET IDEAS
GIVE IDEAS
IN
WANTOK**

FOR EXAMPLE:

School signs. Do you have one?
Do people know the name of your school?
Do they know where your school is?
Why not?
Make your children proud of it.




NO DESKS? TRY THIS UNTIL YOU GET SOME.

(Above) Kubalia teachers made these "beds" for children to sit on. It kept children and material clean.

(Below) P&C at Amaki made these from bush timber

SCHOOLS COMBINE FOR IN-SERVICE COURSES
The photo here shows teachers from Banak, Boikin, and Dagua learning metrics together.








* Bulletin board at Kaindi Demonstration School/Wewak.

* Bulletin board at St. Mary's, Wirui/Wewak.

* Desks with angular sides allow for all kinds of groupings.



ASKING ALL TEACHERS

ANSWER THE FOLLOWING QUESTIONS AND TELL US HOW

WE CAN HELP YOU.....

- (1) Would you like a special school section in WANTOK? _____ How many pages long? _____
- (2) Written in English? _____ or Pidgin? _____
- (3) What would you like in this section? (Check)

Extra Information on:

- (a) Social Studies? _____ Pictures? _____
Stories? _____
- (b) Science? _____ Materials? _____
Methods? _____
- (c) Maths? _____ Materials? _____
Methods? _____

- Suggestions for: Classroom management? _____
Community activities? _____
Cooking? _____
Homecraft? _____

Some other information or help? Name it.

DO YOU KNOW THAT ?

- (1) Your Social Studies Broadcasts start soon?
- (2) Because NIUS BILONG YUMI is finished and OUR NEWS will be small sized, that only WANTOK will be able to supply you with the necessary pictures to accompany the broadcasts, as well as for your bulletin board?

DO YOU HAVE ?

- (1) Pictures of pyrethrum? Jute? Hemp? Markets?
- (2) Maps of PNG Provinces? The World? Indonesia? Irian Jaya? Fiji? Other countries?
- (3) Pictures of the leaders of Australia, Japan, New Zealand, Germany, United States, England, Russia, Fiji, India, and others?
- (4) Pictures of how people in these countries live?
- (5) Samples of passbooks, deposit slips, withdrawal slips, cheques to show your class?

NOW FILL IN NEXT PAGE.

Dear teacher

We have a problem. Can you help us solve it ?

We want to help as many teachers and schools as we can, especially those deep in the bush. But how can we get there? Even airlines do not go there. And those schools need us the most.

In other years we tried to save money by sending WANTOK's by air freight to main centres. Too many of them never got any farther. So the only way we have left is air mail. Even though it does cost more. We hope to prove that it is worth it. Remember: ANYTHING WORTHWHILE COSTS SOMETHING.

Study the price charts down below and act now.

BULK SUBSCRIPTION SCHOOL YEAR RATES FOR WANTOK WITH POSTAGE INCLUDED

AMOUNT OF COPIES SENT FOR THE WHOLE SCHOOL YEAR.	AIR MAILED ANYWHERE IN P.N.G.	AIR FREIGHTED TO C.M. MADANG ONLY	AIR FREIGHTED IN E. OR W. SEPIK ONLY	PERSONAL DELIVERY WIRUI P.O.
10 copies each time (total of 200)	K 28.60 per year	K 24.30 per year	K 22.00 per year	K 21.00 per year
20 copies each time (total of 400)	K 52.00 per year	K 45.60 per year	K 42.00 per year	K 41.00 per year
25 copies each time (total of 500)	K 65.00 per year	K 56.30 per year	K 52.00 per year	K 51.00 per year
30 copies each time (total of 600)	K 78.00 per year	K 66.90 per year	K 62.00 per year	K 61.00 per year

Meaning: March to November, that is, 20 editions
 Minimum order of 10 copies
 Payable in advance only

+++++
 Cut this out with scissors and send it to us with your cheque.
 +++++

ORDER BLANK FOR WANTOKS IN BULK

Please send copies of WANTOK 20 times to

NAME

ADDRESS

.....

.....

If you want less than 10 copies during the school year, see the rates on page 15 of this paper.

WANTOKS should be sent to us this way: (air mail
 (air freight C.M., Madang
 (air freight E, W. Sepik
 (personal delivery, Wirui
 (Circle the one you want.)


Notice: if you want WANTOK by air freight, we can only send it to a place where there is regular air service.

Give the name of that airport here:
 What airline comes there ?

NOW ENCLOSE THIS ORDER BLANK AND YOUR CHEQUE IN THE ENVELOPE PROVIDED
 Please check the above rate chart to see if you are putting the correct amount on the cheque.

PAYMENT MUST ACCOMPANY THIS ORDER. THANK YOU IN ADVANCE.

NAMBAWAN KAIKAI BILONG OL FAMILI



Lukautim bai tripela kaikai hia i swit na i gat strong long en i stap oltaim long haus bilong yu.

HEINZ kompani i yusim gutpela samting tasol bilong wokim ol dispela kaikai. Sapos yu laik hariap redim strongpela kaikai - na tomato sauce i gutpela tru na swit moa - lukautim mak bilong HEINZ.

2167E

TOYOTA TRAK

OL DISPELA I NAMBAWAN TRU



TOYOTA

EIA
MOTORS LIMITED

**Burns
Philp**
GROUP OF COMPANIES

WES NU BRITEN PIPEL LUKIM DISPELA PES


..... LONG DISPELA YIA GAVMAN BAI GIVIM K6 MILIEN LONG RURAL DIVELOPMEN FAN, LONG DISPELA PES MIPELA I LAIK TOK SAVE LONG OL MANI I MAS KAMAP LONG SAMPELA PROVINS. TASOL LUKAUT: OL PROVINS I NO BIN MEKIM GUTPELA WOK NA YUSIM GUT OL MANI BILONG NARAPELA YIA NA I NO RAITIM KLIA LONG BUK OL EKSPENS BILONG OL, BAI NO KEN KISIM BIKPELA MANI OLSEM BIPO, NOGUT MANI I LUS OLSEM, NA TU GAVMAN I LUKLUK GUT LONG HAMAS WOK KAUNSI NA OL PIPEL I SAVE MEKIM BILONG YUSIM GUT OL DISPELA MANI, SAPOS OL I LES O SINDAUN NATING, GAVMAN BAI STAPIM MANI NEKS TAIM.

<u>BOSIM WOK</u>	<u>KAIN WOK</u>	<u>KINA</u>			
Ol Provins	Mentenens	12,000	Talasea LGK	Peninsula Rot	3,000
A.D.C. Kandrian	Kandrian-Baraina Rot	3,000	A.D.C. Talasea	Teng Wara Nutanavua	1,200
Gloucester LGK	Stes 2		Nakanai LGK	Tarobi Et Pos	300
Kandrian LGK	Taveliai-Banu Rot	4,000	Nakanai LGK	Uasilau Tisa Haus	1,500
Bali/Witu LGK	Stes 3		Bali-Witu LGK	2 Maket Ples	2,000
Kandrian LGK	Amalut-Wako Rot Stes 2	5,000	Talasea LGK	Ganemboku-Bagum Rot	
Bali/Witu LGK	Stes 3		Kandrian LGK	Stes 3	7,000
A.D.C. Talasea	Liambe-Balengori Namba 2	10,000	Nakanai LGK	10 Teng Wara Bilong Skul	
Nakanai LGK	Rot	600	Gloucester LGK	long Et Pos	3,500
Hoskins LGK	Pik Banis Nukukau	700	Kandrian LGK	Viles Wara Saplai (7)	2,750
Talasea LGK	Silanga Komyuniti Senta	3,700	A.D.C.Kandrian	4 Wara Teng - Skul na	
Gloucester LGK	Hoskins Maket	6,000	Talasea LGK	Et Pos	2,000
Kandrian LGK	Talasea-Buluwara Rot	2,000	Nakanai LGK	10 Wara Teng - Komyuniti	
A.D.C. Talasea	Gloucester Tulup Rot	8,000	A.D.C.Kandrian	Senta na Viles	3,500
A.D.C.Kandrian	Kandrian-Aliwa Rot	400	Talasea LGK	Wara Saplai (8)	3,400
Nakanai LGK	Stes 2	3,000	A.D.C.Talasea	8 Wara Teng na Holim	2,450
Hoskins LGK	Pik Banis Kapo Viles	700	Bali-Witu LGK	Wara Teng Bitokaran	
Bali-Witu LGK	Laiama-Eseli Rot Stes 2	5,190	Hoskins LGK	Haus Sik	5,000
	Nuau Komyuniti Senta	4,000	A.D.C.Kandrian	Poi Skul, Wara Saplai	1,200
	Mosa Maket		Nakanai LGK	Viles Wara Saplai (6)	2,400
	Metapupur-Oenatakiti-		Hoskins LGK	Wara Saplai, Lavilelo	3,000
	nerave Rot		A.D.C.Kandrian	Simen Flo, Lauring Skul	400
			Kandrian LGK	Klasrum Ablingi Skul	700
			Nakanai LGK	Klasrum (2)	3,000
			Hoskins LGK	Tisa Haus, Siki	2,500
			Hoskins LGK	Klasrum, Tamba Skul	3,000
			Hoskins LGK	Klasrum, Siki Skul	3,700
			Talasea LGK	Klasrum, Bagum Skul	2,000
			Talasea LGK	Tisa Haus, Patanga	2,000
			A.D.C. Talasea	Tisa Haus Kakasi	2,500
			Kandrian LGK	Et Pos (4)	1,000
			Hoskins LGK	Ekstensens, Hoskins	
			Hoskins LGK	Rural Helt Senta	1,600
			Hoskins LGK	Mosa Viles Et Pos	1,500
			Hoskins LGK	Rum Waswas, Toilet,	
			Nakanai LGK	Bavussi Senta	2,000
			Talasea LGK	A.P. Odeli Haus, Mirapu	1,500
			Hoskins LGK	Kimbe Maket Ekstensens	5,000
			Hoskins LGK	Kerapi Komyuniti Senta	1,600
			Talasea LGK	Galai Komyuniti Senta	
			Nakanai LGK	Ekstensens	500
			Nakanai LGK	Frisa, Kimbe Haikul	-
			Kandrian LGK	Kaunsil 2 yd. Dumptruck	2,500
			Bali-Witu LGK	Apapulü-Gomu Komyuniti	
			Gloucester LGK	Senta	1,500
			Gloucester LGK	Matililiu Komyuniti	
			Gloucester LGK	Senta	1,500
			A.D.C.Kandrian	Amalut Maket Kopra Haus	500
			Hoskins LGK	Vatukele-Malangani Rot	2,000
			Hoskins LGK	Sagsag-Sikal Rot	2,000
			Hoskins LGK	Iboki-Saleki Rot	2,500
			Hoskins LGK	Gloucester-Arigipur Rot	2,000
			Hoskins LGK	Pik Kandrian Vokesenel	
			Hoskins LGK	Skul	300
			Hoskins LGK	Koimumu-Lavegi Rot	8,000

TOTAL K169,790

DOMINIK

Pren bilong Jisas



*BILONG NUPELA SKULYIA :
tupela gutpela stori bilong santu*

DOMINIK 30t.
PANKRAS NA TARSISIUS 30t.
 (Wanpela tisa bilong Madang i raitim na ol skulboi i droim ol piksa.)

Rait i go long: L.C.I. BOOK SERVICE
P.O. BOX 347
GOROKA (Ph. 72.1937)


*Dispela em i ofis bilong wok lotu na katekis.
 Ol i gat kain kain buk, piksa, tep bilong
 helpim tisa na katekis long skulim rilisn.
 Rait na askim ol long wanpela lista.*

Planti laik kamap pailot

Minista bilong Transpot, Wok na Saplai, Mista Bruce Jephcott, i bin tok olsem long dispela yia Dipatmen bilong em i bin kisim 350 aplikesen olgeta. Tasol Pablik Sevis Komisin i bin makim 40 tasol long kisim trening bilong pailot.

I bin i gat 13 man i kisim awod aninit long Australia na Papua Niugini Edukesenel Trening Skim.

Na tu i gat 12-pela arapela i bin kisim awod na lusim PNG na i go tren long taun ol i kolim Cessnock long Nu Saut Wels. Na taim ol i pinisim trening bilong ol, bai ol i wok wantaim Air Niugini long DC3 olsem ol Ofisa. Kos bai i go inap long 15 mun olgeta.



Poto antap i soim namba 5 miting bilong olgeta dairekta bilong Y.C., ol i bin mekim long Alexishafen klostu long Madang long Janueri 23 inap 27.

I, gat samting olsem 30 manmeri i kamap na ating em i namba wan taim i gat moa blakskin olsem waitskin. As tingting na as toktok bilong kibung bilong dispela yia em: **SPIRIT BILONG INDEPENDENS.**

Ol i bin paitim tok long planti samting bilong independens. Ating ol tumbuna i independen tu? Olsem wanem ol i independen? Husat i ting ol lo bilong tumbuna i bin pasim ol olsem wanpela sen? Na yumi nau, ating ol lo bilong waitman i pasim yumi tu? Na olsem wanem yumi independen? Na dispela pasin independens em i save pait wantaim pasin wantok long PNG?

Ol i bin glasim gut tok bilong Kraus na Baibel na pasin Kristen na olsem wanem ol i mekim yumi independen tru. Kraus em i as tru bilong independens. Man i pas long ol samting bilong graun em i no independen.



OLABOI, EM I ISI TUMAS

Yes, em i tru. Olgeta gutpela kaikai yu mas givim long bebi bilong yu bilong strongim, em yu ken kisim long ol liklik tin i gat nem HEINZ long ol. Ol liklik tin ya i gat kaikai ol i bin redim bilong ol pikinini stret. Em i isi tumas; ol samting i redi pinis. Tasol lukaut gut! Yu mas painim nem HEINZ long tin. Em tasol i gat dispela kain samting.

Heinz



The Phantom

®

By Lee Falk and Sy Barry



Moa long 273,730 sumatin i go long skul las yia

Provins	Praimeri	Haiskul	Vokesenel	Tisa Koles
Westen	7866	922	172	
Galf	6424	531	120	
P/Moresby	7916	2077	576	395
Sentral	12923	2318	266	
Milne Be	14069	1521	275	
Noten	7109	958	355	
S/Hailans	14497	1012	203	138
I/Hailans	15328	1254	255	410
Simbu	11770	1398	186	
W/Hailans	15516	1345	188	252
Enga	7821	688	47	
Morobe	21724	2077	524	361
Madang	16092	2155	204	292
Wes Sepik	8561	882	426	
Is Sepik	19117	1962	414	212
Manus	2755	771	160	
Nu Ailan	7697	1374	56	
I.N.Briten	15687	3359	511	485
W.N.Briten	9572	648	126	
B'ville	14547	1547	351	
Total	236991	28799	5415	2545

(I gat 28 sruva olgeta.)

Planti grasop pinisim kaikai

Long Morobe Provins klostu long Dumpu na Kaia-put planti planti tausen grasop i flai i kam olsem wanpela klaut tru. Ol i sindaun pinisim olgeta grinpela lip bilong mais na pinat na kunai na suga na pitpit na mais.

Ol fama i singaut long gavman i mas helpim ol na Fainens Dipatmen i bin makim K60,000 long baim balus i ken tromoim marasin bilong kilim grasop.

BAIM WANTOK

Sapos yu tisa o skulboi, yu ken kisim wanpela WANTOK niuspepa bilong yu stret inap 20 taim olgeta, sapos yu salim K 4.00 i kam long mipela. Sapos moa man i laikim, wan wan i mas baim long 4 kina, 4 kina.

Nem:

Adres:

Salim sek i kam long: WANTOK

BOX 396, WEWAK

BAIM BIKPELA RETPELA



Planti bikpela retpela tomato i go insait long wanpela retpela botol Heinz tomato sos. Dispela sos i strong liklik, i gat gutpela kaikai insait long en, na i swit moa. Heinz kampani i gat wanpela spesel kain bikpela retpela tomato. Dispela yet i mekim bikpela retpela botol tomato sos i swit. BAIM BIKPELA RETPELA HEINZ



4542

ASKIM LONG NAMBAWAN TIN MIT GLOBE NA GREAT WORLD





OL KAU GEL NA LEDI FAMA



Tokman bilong Dipatmen bilong Agrikalsa i bin tok olsem, gavman i laikim bai ol meri tu i mas tren long wok bilong Agrikalsa long wanem, ol meri i gat save long wok gaden, helt, na ol arapela kain wok olsem.


Ol meri i bin givim nem pas-taim, bai ol i go mekim stadi

bilong ol long Popondetta Agrikalsaral Trening Institut long dispela yia.

Long yia i go pinis, i bin i gat wanpela lain meri i go mekim stadi bilong ol long Vudal Agrikalsaral Koles. Na long dispela yia, bai i gat narapela ol lain meri gen i go long Vudal.

Na dispela i mekim namba bilong ol meri i kamap inap 40 olgeta nau.

Ol wokman nau i wok long mekim ol haus slip bilong ol studen long Popondetta. Ol lain meri hia bai ol i lainim olgeta kain we na pasin bilong bosim na lukautim gut ol kaikai.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.